

今
世
說

清
王
暉
撰

下

進步書
局校印

今世說卷五

清 仁和王暉丹麓撰

品藻

宋既庭與宗弟疇三俱以孝廉知名時稱大宋小宋或問汪鈍翁大宋何如人汪言
阮思曠都不及真長逸少而能撮有諸人之勝

疇三名德宏江南
長洲人辛卯孝廉

或問計甫草侯二宋三可方古何人計戲為題目曰研德如張子布疇三如魯子欲

侯名元涪江
南嘉定人

陳其年與汪鈍翁論六朝之文詞雄旨洽鉤入深微多出諸賢尋賞之外時冒橫庵
在坐傾聽不置陳遽掀髯謂汪曰與子納交十年今夕始稱知己

冒名襄一稱辟疆江南如舉人孝
友易真龍文章善結納知名天下

胡旅堂與龔總憲書云研德疇三吳門之兩玉樹門下見之定把臂入林半千自是
我輩人氣不諧俗非時賢所識過蕪城時試留盤礴知其蕭遠耳

胡名介字彥遠浙江杭州人少有高志
立名節家雜交遊遊公所聞名譽甚盛

毛大可目史訥齋。雖睦居家事。父怡愉。不聞嘻鳴。有似陳季方。把臂堪托。以妻孥似朱生。見利思義。不因人炎熱。似梁伯鸞。嗜酒疎脫。每一飲。必陶然盡醉。而諸務不失。簡則有似張黃門。訓諸經百氏。鉤深致遠。可使擔囊負笈。執經問字者。不絕門舍。雖傾筐倒篋。隨即隨應。猶然鼠壤有餘物。似馬季長。

史名廷梅。浙江蕭山人。弱年。雙聲。文林。家蕩。驅遠。領袖東南。凡人士識會。有所諧記。不得史名。不就。

王西樵嘗稱林鐵崖異人者三。鬚眉奇古。略如李伯時所畫羅漢。相則異在容貌。下筆落落。能為崢嶸傲詭之詞。出入於孫樵劉蛻之間。則異在文筆。每當讌會。竹肉間作。或值徜徉山水之際。時而得意忘言。如釋迦拈花。達摩面壁。時快論斗發。又如春雷奮蟄。奇鬼搏人。則異在性情言語。

曹子顧子閒兄弟。人目為雲初。王謝風貌。既何。

子閒名爾坊。意思蕭散。不與外物相關。尤悔處當以外朗內潤目之。三十六歲早卒。其子彝士。英姿好學。詞翰並優。中己未進士。官翰林。

曹顧菴目王丹麓。遂生集為驚苑。杠梁文津。為藝林。餽脯。

萬履安有子八人。長孫貞一。並稱令器。李杲堂嘗論之曰。粹然有得。造次儒者。吾不如公。擇事古而信。篤志不分。吾不如克宗。足以文章名世。居然大家。吾不如貞一。至

若學通古今無所不辨則吾不如李塋

世江黃太冲每言浙東門風之盛莫過萬氏履安名泰一稱悔菴生有異壘其風儀進止不失尺寸岸丙子孝廉亂後遂隱居不仕文行為天下模楷字泉堂論其有道黃傲君云

公擇名斯選顏色充德內院外

悔菴書法最變疊諸子中惟允誠得其傳允誠名斯備欲言理學則

就公擇彼論經學則就充宗欲從衡今古則就李塋李塋名斯同

貞一名言生而不凡乃祖嘗言是兒魁梧當不自合門比長性嗜學好為古文家言每下筆獨出冠時黃太冲數稱其文為有戴剗海歸震川風味

明州有鑿湖社做場屋之例糊名易書以是堂為主考甲乙樓上少長畢集樓下候

之一聯被賞門士臚傳其人拊掌大喜如加十資

世稱莊澹庵所至如墨濡素練便出雲烟

莊名同生江南武進人丁亥兄弟同舉禮部明年最少入直史館稱雙壁人滯卷龍自闕下所至無問識與不識折節論交詩文書畫脫手淋漓士林爭寶惜之

黃俞邵目周禮園更事精能撫戢殘暴則如張乖崖其屢更槃錯乃別利器則如虞

升卿其文章名世領袖後進則如歐陽永叔其博學多聞窮摻遠覽則如張茂先其

風流宏長座客恆滿則如孔北海其心好異書性樂酒德則如陶淵明其敦篤友朋

信心不欺則如朱文季其孺慕終身友愛無間則如荀景倩李孟元至其登朝未久

試用不盡則如范希文而遭讒被謗坎壈挫抑又如蘇長公

黃名虞授福
建晉江人

王丹麓蚤年高隱甚負才望趙子門亟稱之此為天地私畜

趙名翰山東萊陽人
戊戌進士官司李

黎槐曾文章雄視海內徐巨源嘗曰漢陽李文孫長汀黎槐曾

黎名士宏福
建長汀人

徐名世溥江
西新建人

李名昌非字米園湖廣漢
陽人壬辰進士官建尉

董文友嘗言予與討士非惟文章道同覺性情俱與我近

陸麗京目徐世臣勵志箕山斐然述作方之西園偉長非特不媿

陸麗京年德轉升往往領袖羣彥然虛懷冲挹不自滿假或問卿自比稚黃志伊如

何陸曰志伊學海稚黃雅宗故當不及

陸麗京與陳際叔孫宇台齊名友善一日聯袂出北郊道旁觀者竊歎曰此三人定

爾殊常何乃神理都肖

陸麗京云西陵儂語家有靈蛇若儂胡秀如春米仲昭絢若朝霞故當並推

仲昭姓王名嗣槐浙江錢塘人慷慨善談論於書無所不窺文詞瑰麗尤工為賦已未召試特授內閣中書

毛稚黃嘗言西陵有三絕林玉遠文博挾神光雲行兩步陸儂胡駢體行控送於絕麗能使妙義迴環而來張祖望詩蒼澗頓挫如大漢風莽莽無極

陸拒石年十五作春郊賦詞藻流美筆不停綴麗京云王筠芍藥避其敏正平鸚鵡讓其工

惲正叔過毛稚黃飲謂毛曰曩未識駿男然得阿虎令人有雄舉之思虎固當勝耶毛曰駿神鋒豪上虎亦偶快正如蒲梢駃騠並驅康莊未知誰先後耳

毛稚黃過夾城陸氏出語人曰吾始交蓋思調僮英澈器為國寶登其堂仲季出揖高仲骨削神攝眸然升橫鸞聳驥逸卓卓欲度諸兄已茂林公杖杖出肅然穆然使人瞻之不見所住

茂林名之遇字際明浙江錢塘人抱村不偶學使者辟為越州教授非其志也山巖水涯晚而自放所與遊者惟處士徐野君雪厂道人余體崖道士餘人罕說其

面烟波上下帶履蕭閒望見者以為古狂狷者流

高仲名售其書

升職名傳能
詩王蒙劍

雖隨園嘗言老而好學有德有言吾敬張君祖望博聞強記不妄許可吾敬毛君稚
黃雕龍繡虎與物無競吾敬丁君素誼閉戶著書朗有卓識吾敬李君東琪汪洋千
頃能以度勝吾敬沈君開先情辭斐疊波瀾老成吾敬孫君宇台

羅名賢字倍千陝西華州人七世官郎卷代有聞人為關中貴族之冠七歲侍客
飲客屬對曰山頭玉井蓮即應聲曰天上金盤露客異之凡長益好吟咏嘗至京
師名重公卿參軍果卷無事日與西陵者舊故情詩酒久
不得調益歌嘯自如如有子名姓年十四嗜文章有父風

丁名濤沈名爰
費浙江仁和人

李名式王
錢塘人

規箴

王阮亭性和易寬簡好獎引氣類然人以詩文投謁者必與盡言其失得不稍寬假
汪舟次兄弟好古力學名沸大江南北戶外屢常滿又意歎之誠曰吾不願爾曹為
名士名如剪綵鏤棘實不存也爾曹與人交以其文無寧以其行郭泰之異茅容履
衾之敬褚德豈為名高哉爾曹慎之

汪父名汝著子生伯自言生平無異人惟不欺二字反復無愧耳嘗與友善處出
米數百石賑恤身與妻子粗糲自如亂世家中落乃整飭餘緒每得金即贖也營

始女歸其家又埋街
路二十年内情惜千餘

新州顧赤方出其詩與施愚山相警校嘗握手笑曰吾儕本相好攻瑕索垢當猛鷲如冠警毋留纖塵為後人口實時嘆為名言

顧名景星湖廣新州人

文與也作畫頗得待詔家法然多率爾之筆汪鈍翁規之曰此事定須霞思雲想刻意經營奈何顏唐落墨便布人間

文名點江南吳縣人

鄒子先趙破之並居吳江之西郊亂後邑人多謝去子衿俄學使者來傳相告言不出且遣戍趙頗心動鄒正色曰我輩但當論是非不當計利害於是遂止趙每為人言微鄒君幾喪吾守

鄒名甲吳趙名瀚並江南吳江人時論鄒之剛決不撓趙之服義推美君子兩贊之

捷悟

喬文衣夜半過午門前萬籟俱寂猛思日中百億生靈今歸何處人世升沈如此而

已

喬名錄直隸內
邱人官司城

安西估魏丙質丹布上海市中夜就旅宿醉臥風雨大作失索金三百兩時上海令為任待庵素善讖至是獄不能定因詣城隍廟禱於神請以寶告乃留捕隨往者使待命於神寢宮捕夢寢宮有幼婦出右手抱細女左手挈衣與之及接視則裙襴也歸以告令令俯首再三仰而曰夫賜衣而得裙襴則非衣也非衣者裴也豈有裴姓其人者耶捕叩頭曰似也閣左有裴愛無賴不事家人產其人僦旅舍傍而得出入於其舍即欲得裴姓此當是令曰然然則其抱細女者抑可知矣夫細女愛女耳吾聞納音之數陽姓從左今左非衣而右愛女其為裴愛無可疑者遂收裴拷之得寶

任名辰且字千之浙
江蕭山人丁未進士

計甫草雪後攀鐵索造日觀峯不見日出於峯之傍見豐碑屹立大書禮為人子不登高不臨深數言計再拜稽首其下即杖策下山不復登

陸麓京誦讀明敏善思誤書嘗聞韓非子至一從而咸危曰是一徙而成邑也後令他人覆射無一合者惟弟左城中之

左城名塔神音
軒詞令宏通

胡循蜚官湘東司李時定南王駐師於衡一日召胡至帳下曰軍中有馬數千需楹五百具命若三日為期過期斬胡出已暮至江壩適有人跣足立星露中顧謂非司李胡公耶何為至此胡告之故曰小人家於江有漁艇百餘破其一可得楹五六具請後二日以報五百具鱗次江上胡進之王王大悅

胡名貞開一稱晏處浙江杭州人生數歲祖繼寰中丞見其趨過不羣授以書數行並下姓喜任俠旁通藝流諸術每雄談四座為辟易已卯舉于鄉會流寇倡亂陷下大司馬卿貢中式後別試騎射一日有司集墮下般射多鞠躬謝不許胡獨出一躍上馬彎勁方抽矢三發皆中的遂推異等及遠鼎革自甘故廢關府張公物色之解至軍門備參謀舉授湘東司李有惠政未幾告歸高聲使與人言雜談諧調笑自稱耳空居士工書愛畫石為文絕類蘇長公才大用小有志不就時論之惜

風惠

徐雷發蚤歲詔令天姿英敏年十二和無題詩有殘月無情入小樓之句長老咸嗟異之

魏昭士生甫二十餘月母口授歸去來辭及九歌一二章久之輒能背誦諸父嘗抱持誘以果餅使歌之聲悠揚可聽相詫為英物

魏名世爵江西甯都人是和公子性稍急勇於事仲父冰叔嘗稱其為文鋒銳所至往往有沒羽之力

沈漢儀總角時嘗從父公趾遊苑中公趾曰名亦不之何以淵明愛菊對曰淡而能久也父嘆曰此兒出語可人

漢儀名家檢一字
巨山浙江建德人

沈孚先十歲著大臣論稍長尚風節嘗讀漢書棠棣傳至度遠將軍皇甫規自以西州豪傑不得與黨人上書自訟沈足筆填其下曰時蕭山沈功宗以童子同將軍上書其慷慨如此

沈名功宗浙江蕭山人工詩善書法遇練素必移易書滿
好談母夜分列廣博異端樂其中冥生與客談達曙不寐

許彝十是許勉無子勉無讀書竟夜不輟許每臥聽父讀書且輒默誦父嘆曰兒臥時乃過我醒時

卓有枚七歲出就塾師使讀論語有枚嘗置一本掩所讀書下時竊觀塾師發視則司馬公通鑑也師以此奇之

有枚工誦去病少子也浙江仁和人生有異秉父此
諸枚少孤因名曰人舉負經世才若有古文集行世

虞景銘十歲即善屬文嘗薄柳州乞巧更作辭巧文識者知其遠到

虞名黃吳浙江石
門人丙午孝廉

吳威卿七歲嘗侍客坐客論詩無孤獨連文者吳應聲答曰孤雲獨去閒非佳耶一坐驚嘆

吳名座
錦雯子

章言在幼從塾師學師出有友訪之比歸羣兒告以故而忘其姓氏師怒呵羣兒章曰毋怒也我猶能約略記之因以筆狀其顛顛鬚眉栩栩然也師見而笑曰是得非某乎已而叩之果然

章名谷一稱古愚居北郭聖堂橋其地古名散花灘因又稱散花主人少時曠神如杖水膚色如玉人多比之為衛洗馬嘗依豫章買舟歸浙有美姬附舟尾見章貌而悅之數以足批章章起默自念曰我違父母膝下久今此江有神倘一涉汗根致于神鍵葬于魚腹即何日得復見父母乎不覺泣下遂整衣冠危坐連日善八分隸體畫尤工絕為時所稱

趙禹功九歲父遊學歸大雪不能舉火出古畫一幅命禹功詣友所易米不得家人悵然禹功閉戶乃吟詩曰吾家有古畫其價重連城不易街頭米歸來雪滿鬢父聞之笑曰有子如此飢亦何憾

趙名向浙江山陰人母性嚴小不豫路請備至嘗出妻數月感悟始返里中稱趙孝子

宗定九子舉兒年五歲曾同諸兒戲于庭一兒指月中言曰月中那得有桂樹舉兒

曰汝謂月中桂樹為奇彼天地間之有樹當亦奇耶

舉兒名學詩貌甚清貴善言辭喜讀書性和雅能體父母意父定九謂其識見動作俱不似推子所為六歲即場父甚哀之

王丹麓座客常滿有客謂孔子無稽眾詰其說客曰本孔叢子子思告齊君曰先君生無鬚眉天下王侯不以此損其敬故知今像多鬚誤也時丹麓子鼎六歲在側應聲曰然則孔子亦無眉耶客語塞

鼎字用和器度端重聰慧性成喜讀書講習使能了了行文亦時露新穎八歲學吟詩有無情風雨落花落不成春之句客有鼓及紅顏薄命者則舉大學集注中

天大小好貌一給為証以為大字續作上聲即故義也十二歲即場識者謂其識云

王丹麓病起畏寒每當雪夕閉戶謹風時幼子小能五歲坐著鄰上曰大人寒故畏

小能是丹麓第五子資性聰敏容貌端妍孝事父母迥異凡兒四五歲時答頭負經市上見者莫不噴噴稱羨甚欲連手禁之

今世說卷六

清仁和王暉丹麓撰

象爽

世祖章皇帝嘗獵過滹沱河宋收仲從行時天大寒河冰闊二丈餘宋揚鞭大呼一躍而渡上壯之

宋名譽河南西鄉人年未二十七博學能文章詩賦筆翰動天下望而即之温其如玉出判黃州盧已向學與四方賢士大夫相交結日肆遊江湖山谷之間

王阮亭為同考至白門夜鼓柅行大江中漏下將盡始抵燕子磯王興發欲登會天雨新霽林木蕭颯江濤噴涌與山谷相應答從者顧視色動王徑呼東莖以往題數詩於石壁從容徒步而還翼日詩傳白下和者凡數十家

苑愚山倡學湖西問道者車接轂蕭孟枋為之供扉屨飾廚傳勝流歛集賓至如歸吳六益訪汪鈍翁邸舍每被酒自誦其所作游五嶽詩音響琅琅若出金石覺爾時意致適上不可復及

汪然明教其子成名即放浪湖山青簾白舫選伎徵歌日與二三知己傾尊賦詩以為美樂望見者謂前則子瞻後惟廉夫差堪彷彿其概

汪名汝，漢江南飲器人，居武林虞山錢宗伯嘗稱其量博而智澗幾沈而才老熱
賜俠骨囊橐一世之志氣如洪流清泉觸地涌出子玉立舉明經繼昌己丑進士
宮觀

周標園性嗜飲喜客客日滿坐坐必設酒談諧辨難上下今古旁及山川草木方名
小物娓娓不倦賜政毋陣叠出新意務極容歡而去

熊雪堂令汝陰時廬州被圍郡偵探至城下熊從堦堦磨盾鼻作答一手雙挾
硃墨二筆運腕如飛一往勃勃真覺骨竅氣涌

熊名文舉字公遠江西南
昌人辛未進士歷官侍郎

吳慶百應薦入京止竹林寺毛季蓮嘗偕叔大可過吳寓輒據柳林自吟所為宴集
及登臨諸作大聲撼四壁吳顧大可君家阿咸正復不減將不使卿單行

義興大饑當事集紳士議賑紳士曰賑饑是極難事毋輕議也徐竹逸曰天下難事
我輩不為誰為之者條陳數則活數萬人

李如穀官武昌郡守荊州曹叔方以所編藥府投之會李坐黃堂上立取梁州序親
自度曲以扇代拍時隸役百十輩皆屏息而聽寂若無人歌罷即出千金贈曹

曹名國渠湖
廣江陵人

申是盟借揚猶龍股伯巖行藁薄中林葉颯然疑有虎楊據片石負杖叱咤萬壑雷
鳴同行為之神王

楊名思聖直隸鉅鹿人丙戌進士歷官侍講天才雋敏風神卓絕工詩擅書法
性曠許可間律量人物時有貴顯以喧嘩自命者鮮不肯屈一指聞者志之

殷名岳直隸
澤人官非寧令

侯朝宗豪邁多大略少本有濟世志嘗與吳次尾夏彝仲醉登金山指評當世人物

臨江悲歌二子以侯比周瑜王猛

侯名方域河南高郵人幼博學隨父司徒官京師習知中朝事嘗嘆曰天下且亂
所見卿大夫殊無足以佐中興者其殆不枝乎去遊金陵為一時所引重論者謂
其持運少陵古文出入韓歐

吳茵次蕭散自得陶然於酒所至借故交文士名娼高衲放浪於山巔水涯每醉輒
歌吟笑樂詆調終夜酒痕淋漓頭伏几案與之遊者至忘寢食

宋俗上元夜張燈飲酒睢陽司氏巨族也張銀瓢容酒數斗約能勝飲者持瓢去羣
少皆醉臥窘甚時漏下三鼓會賈靜子服羗衣駕鹿車自百里外至忽叱咤登階舉
滿一飲即擲瓢付奴持之不通姓名坐賓駭散

雲閉田髡淵董蒼水兩孝廉素稱好客四方士大夫接踵而至一日集團如草堂赴

者五十餘人。兩孝廉相繼迎入。未與談。即呼常從具行篋。出紙筆。分題閣讀而賦之。有頃。賦已會食。命廚割脍。酒炙交至。酒中各唱所業。盡歡而罷。

計甫草自海陵歸。渡江會大風雨雪。舟不得發。同行者皆垂首嘆。恹計坐舵樓下。手王阮亭詩讀之。至論鄭少谷絕句。哭失聲。既乃大喜。拭涕起坐雪中。觀江濤澎湃。吟嘯自樂。

李鶴園性好遊。每興發。雖愛子牽衣割裾不暇顧。他事益漫不嘗省。蹤迹幾遍天下。所至名勝。輒為文以記之。

李名宦。字季子。江南興化人。博學好古。少負才名。手標落。然與之。言。蹤。橫。古。今。熱。河。注。流。秀。傑。之。氣。見。於。鬚。眉。性。僻。山。水。每。遊。必。窮。巖。窟。陔。澗。凡。豺。虎。所。穿。蛇。豕。所。窟。漁。漁。不。能。至。者。必。身。歷。之。而。後。快。

淮海杜湘草過武林。冒雪遊西湖。樂甚。次日適王丹麓使至。遂以相聞。據案作書。忽傳方伯監司聯車到門。並謝不見。士論高之。

杜名首昌。江南山陽人。善法文詞。卓絕一時。

吳錦雯游寓蘭陵。酒徒劍客。及弄阮咸撥篋篔者。滿座上。日解縵袍。罰酒酒。酌對客。揮毫煙雲滿紙。

錦雲生異表。身長七尺餘。目青睛。齒甚紫。怒則錢張。胸有毫數。莖長三寸。為人少言不泄。及遇事不平。輒侃侃不畏強禦。至推座罵起。與人交。舒高要。負氣好。快。急友。患難益強。直敢任其天性也。

孫介夫遇王惟夏于邗關。執手道故。王固善飲。與入酒舍。洗醖而酌。浮滿數十盞。初坐客開甚。聞兩人聲奪耳。皆瞪眸迎視。氣為不吐。

王名吳。江南太倉人。善詩。歌古文詞。樂府。吳梅村嘆其才為天下無雙。

陳興霸喜談兵論劍。抵掌天下事。酒後耳熱。輒罵古偽豪傑。不中一文錢。

陳名孝威。江西臨川人。大士仲子。

毛稚黃言丈夫既有此六尺身。何可不令千古。

丁野鶴官椒邱廣文。忽念京師舊遊。策長耳驢。冒風雪日馳三四百里。至華嚴寺陸舫中。召諸貴遊山人琴師劍客。雜坐酣飲。笑謔怒罵。筆墨淋漓。興盡策驢而返。

丁名輝。元山東諸城人。稷期曠朗。讀書好奇節。高譚驚坐。目無古人。

吳舒危托懷豪逸情與興俱。

吳名儀。一浙江錢塘人。髫年入太學。名滿都下。二十為人師。經史子集。一覽成誦。古文法。歐陽永叔。王荆公。詩宗杜子美。性善飲。飲醉值市井子。輒謾罵之。姜定庵京兆重其才。延之華中。感逸。摹詩文。益工。

謝畫也好施數千金都緣手盡復假貸以費京師謂之窮孟嘗

謝名歲浙江山陰人嘗登大觀臺觀錢塘江湖忽思年五十無成大樹見者皆怪笑之

楊序玉園居器具精良非世所恆有客至命酒珍錯疊陳少醉即欲賦詩或召冶童

歌自吹簫以和之

楊名方崇一字東起江南武進人父以進士起家累官中丞家多伎樂率善歌舞治園圃亭池之屬為里中冠楊生既習知歌舞處凡吹簫擊鼓鳴篳度曲俱幼妙自善又美姿容時凡之流術以望見為幸每一出遊至兩市輒願好為文章能學歌詩縱傳說雖善談笑不為慢戲後赴省試罷歸愈發憤力學凡昔日所自違者率離絕不為通曰使吾讀書三載即不知古人何至若妄庸人徒逐若輩以為安耶未幾以病卒年止二十有七諸從遊者無不流涕

王水雲常與茅子鴻偕渡大江風濤洶湧王掀髯稱快曰吾胸中鬱勃之氣對此稍

舒茅亦為之放膽

王名舟瑤字白虹浙江餘杭人抗爽負氣不習乾媚貧時得錢不甚惜多與賢豪結讎壬午舉孝廉既久不得志始推押為令除授典史又為信之齊邑域中才數百家為之拜月生蕭無所事乞免官不許嘗抱膝瞑目曰作吏願如此乎發為詩多幽憂峭激類佗際失志之人是黃曹石震嘗言每讀水雲集風雨欲來聲決交下

茅名先儒一字雷鴻浙江錢塘人孫介自持情深一往詩詞書畫涉筆輒工

容止

梁蒼巖襟期瀟灑意度廓落大類坡仙

彭禹峯長身修髯聲若洪鐘一飲能舉數升一食能盡一魚肩汪鈍翁目為撥亂之異才

彭名而述字子孫河南鄆州人奇偉卓犖氣蓋一世庚辰進士歷官參政

張敦庵姿容瓌偉飲噉日可三升興至蒲博爭逐獨酌引滿呼小僮搥鼓奏伎奮袞激昂大噱不止

張名王治字無近江南太倉人涉獵強記雅擅絕才中丁亥進士官黃門初敦庵兄西銘以經術負盛名其負笈從遊巷舍為滿揮洗輟餐倒屣莫及敦庵傾身容接人人各盡其意時論西銘之有敦庵猶士衡之有雲孟陽之有協也

黃大宗狀貌奇偉王冕廬見之歎曰風神超逸卓有父風

王名澤宏字涓來湖廣黃岡人少負異姿矍十餘歲下筆絕倫千言乙未歲進士官少詹李文孫稱其溫然為君子

周芮公冲懷貞淡與之晤對如揖廣成如瞻水鏡

周名廷瓚字元立福建晉江人戊辰進士辭賦吟咏尤好與臚人納客相唱

丁文博眉目明秀如碧梧翠竹

丁名序浙江嘉善人己丑進士官水滸

吳六益目錢礎日神姿崖異有壁立萬仞之概

閔伯宗性簡默意致蕭遠殊不大快人意久與居處覺欣然如飲醇醪

同名潘貴一編曹久河南祥符人官
澧水令善詩相賦絕倫為從來之秀

嵇叔子目王丹麓神致蕭散超然物外

程穆倩眉宇深古視下而念沈處治不媒進處亂不程方

程名選江南歙縣人能詩善書畫
尤工篆刻蕭森老蒼迥然有異

李成庵美風儀嘗於上元夜著絳衣與郡中名士集賀監祠乘月上湖橋長嘯十洲

人遙望俱謂神仙

李名文姓字姬梅浙江鄞縣人父辦官西川提舉如合州戒庵少善讀書老而不
衰持古文詞各極其妙與人言古今成敗爛若披雲錦者忘倦至所讀書無不曉

手抄平居靜守一几澹汗帖
席寒風製實筆墨未嘗少閒

丁大聲軀材拔起意識豪略咳如挺鐘言同奔河

丁名克振浙江蕭山人用經術藝文著於
鄉邑其因人暖急又多概節有魯連之風

柏巖山過涉園魏青城稱其高風秀骨英采惠姿照映泉石

柏名立本江南華亭人年未及
冠畫理精妙已入宋元之室

魏名學選字子存浙江嘉善人戊子孝廉官少參

韋六象神朗貌癯衣布不肉食長夜擁絮被危坐不寐讀書至旦為常高簡淡泊彷彿如枯巖禪客與人言肺腑傾盡不事表襮塵俗人望之頽然自遠

韋名人風浙江武康人與兄劍威並能文章尚氣節

吳錦雯張祖望並有修髯夏日嘗促膝吟咏意思蕭曠毛稚黃戲以詩云吳公美髯不易得張也于思亦自奇長日吟詩相對坐南風吹動萬莖絲相與大笑

沈去矜形弱不勝衣而骨性剛挺平時與人語氣纒屬及發辯議則電閃霆激摧屈一坐

徐武令為人樸訥辭艱於口平居輒好書寫不知碁局每自比方葛洪

介公風儀蕭散寡言笑體羸若不勝而神鑒淵然每與一時諸名士接但以目會四坐盡通退相品題不失分寸

介公名元燈字明介天童寺西堂

企羨

徐立齋卷蹕南海世祖親控玉虬一日顧問尤悔庵者三每覽西堂雜俎稱為才

子時有以讀雜錄樂府獻者。上益讀而善之。令梨園子弟播之管絃。為宮中雅樂。比之清平調云。

徐名元。字公濟。江南崑山人。已亥狀元。及第官總志。

徐健庵負雋才。好交樂善。於士類尤極推獎。宇內之人羣歸之。如百川之赴巨海。

徐名乾。學字原。庚戌探花。及第官贊善。與弟果亭立齋。並以文章稱名當世。時號三徐。學博才雄。與之。恂恂謙謹。言論所及。為藝林所宗。

新城王西樵阮亭。每過郵亭野店。輒題詩壁上。詩既驚人。使筆斗大。龍拏虎攫。尤悔庵道經燕齋。見之。解鞍造食。坐對移晷。不能去。

彭羨門騫才絕艷。詞家推為獨步。王阮亭稱其吹氣如蘭。每當十郎。輒自愧愴。父

彭名孫。字駿瑞。浙江海鹽人。已亥進士。御試博學宏詞第一。官翰林。

王阮亭官廣陵。一夕雪甚。漏且三十下。風籟竄。街鼓寂然。燈下簡篋中故書。得吳賓賢詩。且讀且歎。遂泚筆為序。明日走急足馳二百里寄之。吳感其意。為刺舟來郡。城相見歡甚。

汪鈍翁初未游西山。逢人輒相諮詢。或曰西山雖復崇深。意謂不如東南諸郡。清潭鏡澄。層峯屏峙。一花一石相對。饒有勝情。

廣平申和益不欲輕通貴交。惟致書汪鈍翁微訊。王吏部近狀。汪報之曰。吏部蕭疎簡遠。不失故武。誠吾黨第一流也。

申危盟道未晤。櫟園未睹滄海。自是生平兩闕。

周櫟園以少司農出為督糧使使。江淮間四方之士慕之者。爭願見。司農舟車輻輳。道路為隘。

周櫟園貽胡元潤詩。卷輔以朋尊。胡展帙長哦。啟器浮白。不知秋風吹墮白日。

胡名玉。昆。江南江甯人。

李方山客南昌。有傳宋荔裳已死者。特為詩弔之。與宋初未識也。後至武林。聞宋尚無恙。李喜甚。借友人馬疾馳相視。且出詩讀之。兩人因與泣下。露襟。已命酒狂飲。極歡策馬而去。

李名日景。山東淄川人。

王丹麓居窮巷。門除蕭然。顧且庵過。每促席移晷。嘗語人曰。見丹麓如把秋英。清芬襲人。如循古礪。仰峭壁。駭難梯接。

計甫草過順德。日晡方就旅宿。忽念歸震川昔佐此郡。有廳記二篇。遂徒步入城求。

遺址不可得。乃入暑旁廢圃中。西向設辦香。流涕再拜而去。

盛此公嘗願此生得一少年如張緒。衛玠。王子魯。能飲一斗不醉。得一老蠲。老黃。能痛飲。酒記天寶遺事。得一逢暮佳人。能歌。離騷。舞三尺劍。醉讀南華秋水篇。

盛名於斯。一名錢。字鏗。侯。江南南陵人。

王山史與李天生。初未相識。一日邂逅長安茶肆。隔席遙接。各以意擬名姓。及詢之。皆不謬。遂與定交。

王名宏。字無異。陝西華陰人。學粹。天人。性命。克紹。海維。關閩之緒。

陸麗京酷推陳際叔文。典冊類相如。陸撰沈獻廷祝文。稚黃不覺。謂為陳作。陸有欣色。

沈名士。逸。浙江仁和人。

陸麗京。梯霞。第弟聚處。嘗空瓦屋三間。張效青步青。就居於陸。諸駿男。過張曰。昔張陸同居。雖下。今復有醴泉交讓之嘆。

梯霞名增。高文。異米。與兄麗京。號庭。就。爽。一時。時號三陸。

效青名。增。浙江仁和人。

步青名增延青
弟也庚子孝廉

胡彥遠高自棲托神理雋邁嘗隱河渚近止城北芳樹池塘環接戶外諸駿男每過談彌日歸語人曰嘗謂永興南穴汲郡北山緬邈不謂近在咫尺

閻中邱則飛以賣故為業遊於山水之閒喜吟咏集成求雲間張洸侯作序過虔州歸以詩謁權使者見張序云詩能張洸侯作序豈尋常商賈耶輒免其稅

張名序之一名慈為王屋瑤江南華亭人卓犖知大宛深沈好書詩
歌與董黃齊名尤喜自負使酒善侵人然實無他腸人以是原之

傷逆

曹顧庵侍從說詩數受世祖恩眷攀髯餘痛常結胸臆每聽猿嘯鵲啼便欲愴然

實淨

汪梅坡早年子女不育哭之甚哀每一念至輒疑身是眼淚結成

汪名鶴孫字雯遠浙江錢塘人神情飛動識解
過人錢虞山目為開鍾之才今且進士官翰林

林鐵崖持節駐珠厓其地故多颶風風起拔山飛樹林嘗祖立中庭仰天祝曰好將某吹送到泉郡開元寺內挂東西千丈二石塔上然後呼僧緝引而下得見吾父母拊棺一慟幸甚

王異公賦十二哀詩追數舊遊目覩口嘆流漣揮灑各竭思盡致能令讀者摧惻

王名撰江南太倉人古懷落落平生不妄交交必終身以之

縶于野謂鍾廣漢若不歿則神懷散朗學義淹長在後進中吾未見其匹也

即名水堤浙江嘉善人

陳緯雲云鄒董相繼零落蘭陵舊遊酒旗歌板故地闌風長雨不可復尋言之悽然不待過黃公酒壚而始慟矣

陳名雖每其子弟也江南宜興人

陸麗京與沈駿明素無深好聞沈負才蚤世乘醉達其家哭之失聲從子僕胡不輕與人定交者亦一哀出涕

沈名炳浙江錢塘人

趙山子既歿有人議其短長吳開璋擲盃謾罵曰斯人不死鼠子敢爾

趙名濱江南吳江人癸卯孝廉

吳名辦一字玉川吳江人好遊喜為詩每遇名流勝集言論娓娓可聽娶龐氏字惠陳亦工詞翰流傳藝林妓時畫具頗厚以吳不問生產傾奩佐之情安淡泊晨昏或不給倡和自如

諸駿男過廣陵嘆曰小有之風流頓盡于一之宿草久矣柴丈邈跡於白門梅岑栖蹤於遠郭故人雲馳雨散念此能不傷懷

小有姓李名盤一名長科江南興化人

計甫草有才子準早夭哭之哀為作思子亭

準字念禔幼慧能文章獨好儒先之學甫草為聘宋既庭女女名景昭年十三聞夫死守貞居小樓十年不下擬聞親戚有欲奪其志者辨不食凡二十日嘔血至

死

王丹麓有三子幼子小能最鍾愛六歲蚤殤王大哀慟或為太過王曰佳者不存存者又不能佳吾目未喪方自愧不及情君乃為太過耶言罷復益欷歔

今世說卷六終

今世說卷七

清 仁和王暉丹麓撰

棲逸

孫鍾元居蘇門夏峰村清泉嘉樹映帶茅衡一觴一咏脩然物外李工部以為先生本非隱者其少時豪俠之氣尚自稜稜爽露

李名震生號梅庵江西安福人乙未進士

徐伯調處梅市扁舟箬笠弋釣自娛落落與世俗鮮有所諧會宋嘉裳分守紹興宣城施愚山寫書於宋曰山陰有徐緘者渭之亞也宋遣人招之久不至比宋罷官客湖上徐乃時時來相與盱衡抵掌抗言今昔意所不合雖尊貴甚有氣勢口期期不服

宋射陵奉母不樂仕宦退隱射陽之濱自號耕海潛夫名其圃曰蔬杆

宋名曹字邨臣江南鹽城人工為詩尤精書法海昌未近修稱其古通照人足以師表海內

宗定九性不喜煩與人對終日即病飲酌數夕亦然或值勢利毀譽之場便如溽暑置身赤日下移家鄉僻閑居未嘗至柴門外或客至或入郡始一到門不則數月兀

坐草堂而已

定九處東原草堂。秋日燕去。巢空。樂泥時時落。汚几塵。乃命童子探巢。汲水洗之。復傲洗燕泥詩。酷嗜梅花堂。有古梅一株。時人謂之宗郎梅。

王西山解井陘之綬。高臥海曲。清流映帶。喬木鬱盤。乃綸竿。弱笠。釀黍種樹。閒與田夫野叟。較陰晴。課蟹稻。以為樂。

王名章。山東萊陽人。丁亥進士。官邑令。

魏善伯曉聞鳥語。知是天晴。起來獨立。自謂至樂。

魏和公登華山絕頂。日月從兩耳升降。視黃河如機帶。委地下。燕趙秦豫。隱隱見黑子。俯仰天地。悲從中來。有入山披髮長住不返之意。

和公素持高義。重然諾。好做畫。兼林樵。齊以為有太史慈之風。

龔柴文隱居清涼山。曲有園半畝。種名花異卉。水過堂下。鳥弄林端。日長無事。讀書寫山水之餘。高枕而已。

郭去問隱居綿亭山中三十年。織簾讀書。不求仕進。時比晉劉麟之。

郭名鼎京。福建福清人。書法最工。兼擅繪事。宋去獨嘗云。每展郭畫。便思放杖投足。

邱維正隱武原秦駐山。舍茅籬。槿身率妻子力作以食。恆業樵。閒釣弋。小暇說詩。

書教二子孝弟不見衣冠客田夫牧豎相爾汝懼甚素與朱近修善朱乘閒訪之邱方負薪熟眎曰何憊也出飯一盞菜杯對食喋喋竟日不離樵事朱曰能出山信宿草堂中乎不答抱樵孫以嬉久之曰十年欲遊洞庭山無一貫錢而止朱遂去

邱名上儀江而武進人少攻舉子業好奇計後去而應武試遂成進士累官參將每之官肩輿被一囊去來不名俸外一錢惟嘉湖海或遠起借其威漸以西咸帖服守土吏毒民叩嗟節風之士民守參府門百人賀之不內樹豐碑署天下第一清官過其下輒拜而去

沈去矜家臨平東鄉嘗謂張祖望曰居山食貧亦能不改其樂恨無黔婁之婦顏士之奴

羅瑕公云樓居受用天氣看春夏過接處光景絕微

羅名孚丹江南上元衛人

申自然居無定所野店僧寮匡牀布被之外更無長物閒走荒臺木末哭其所知謂人曰終當以哀死化為杜宇擾人魂夢耳

申名浦江南華亭人以畫名於時黃太冲嘗言自然好哭似舉羽無家似思貧

賢媛

李孝貞事父終身不嫁閭巷聞而化之請婦女有爭言詬誶相恐嚇戒毋令孝貞知

時復為之詒曰生女慎勿嗔養父不嫁有孝身

孝貞字鳳秀州平夢康女也夢康士而貧夕不再炊女織經以佐養尸父疾禱於天有烏銜果蔬墮藥井中嘗而進之脫然愈里中世族爭欲聘孝貞孝貞益不自安一日請于父曰女執賢科曰善事舅姑耳女曰休矣焉有舍我父事他人親以為賢妾竟不可愈

汪魏美亂後隱居不出其內嫻欲強之試禮部出千金視汪妻曰能勸夫子駕則畀汝對曰夫子不可勸吾亦不愛此金其人慚而止

汪名溫浙江錢塘人年二十二舉孝廉甘貧不仕嘗獨身提藥囊往來山谷開窗食無定處與人落落性不好聲華時人號曰汪冷當亭或割豚金為壽不得割故而理之里貴人請墓銘百金拒弗許妻錢氏字慧琴南昌守武山水初成時注謂曰吾不寒儻得連錫貴室所望如禮義孝事姑婦和妯娌足矣修晉邱綺續之節母庸也錢即盡去服飾屏侍婢以疏布視操作

杜于皇母性方嚴至平不肯見畫師一日于皇遇善手曾鯨喜以白母且云鯨老矣寫照其宜也母作色曰安有婦人呈頭露面與男子注目熟視而不知羞者先王制禮男女有別何嘗云老者不在此例耶

宗定九少時奉母陳家居值歲凶啼飢號寒初不向宗族借貸母曰餓死事小造十歲童子汗顏面以求人使從此不知有廉恥品行事大於時以為名言

陳江都人州守九室第三女也師太學宗景履少嫺家教讀五經周禮孝經女孝經諸書兼通通鑑二十一代史有訓子詩六章盛傳於世

吳岩子吐辭溫文出入經史與人相對如士大夫

吳青山人為卞楚玉配以詩名工書法晚更不好道博奇疾疾作則右手自運矧日夜作字不休或濡筆者紙上悉成元理疾止不復記憶凡二年而愈白髮朱顏矣

好讀書楷筆札先後事劉孝廉竣度竣度以賢委名廣陵

丁季淵繼婦張夫人親喪三年不脫衰以親染風疾終身不言風嘗作討李賊檄顧

和知以為孔璋讓其英蕤賓王失其峻烈

顧名若璞浙江錢塘人上林署丞顧友白女學使黃寓庸長子文學東生婦生具

風慧尤好讀史上自班馬以迄列朝典故能陳說或論著其大旨又以其餘力自

肆於詩古文每夜分執卷誦良苦曰使吾得壹意讀書即不能補班十志或可

誦雪謝庭嘗於食頃作七夕詩三十七首一時嘆其敏妙文章節行為武林閩秀

冠之
術解
胡廟齋博綜羣書尤精天官家言日月薄蝕星辰躔度推測毫髮無遺在長安與監

中西洋專家反覆辨論羣皆嘆服

胡著有中星譜周天現界圖步天歌行世

龍舒方直之工射覆客匿黃錢一命筮之方曰全體四文既圓且方流布天下錢文

為光竟中錢坐客莫不歡悅

方名其義江南桐城人天才橫海不讓其兄力矯健能騰身屋上履如平地時推為兼才兄密之優於天官易數亦精射覆人以公明曼倩不能遠絕

吳志伊亦精樂律曾於市上見編鐘一枚叩之曰此大呂鐘也後滌視款識云古大

呂之鐘

陸麗京孫宇台並精京氏學於甲申除夕各占元旦且明晦麗京決晴宇台斷雨次早
曠曠日出晚即滂沱雨來人咸異之

孫宇台既精易課兼善潛虛嘗與陸麗京同在臨平沈去矜座陸舉之字問孫云今
日當得幾客孫應聲云之文十一也已而果驗

海昌范文園工相術邑中有隙地或塑太歲范以為威儀具足應享巍莪未幾遂成
巨剎又指木中千佛閣肖型慘戚當厄於火已而果災

范名勝文白弟也浙江海甯人事親孝與兄弟友恭於朋友信而又好推分施與
性濟人之艱危嘗夢神人付以右髻自稱右髻道人遂精相術語多奇中入京師

一日驛名
勅公卿

巧藝

毛大可善歌沈康臣吹洞簫和之能曲折倚其聲

沈工書法王柳朗賦詞畫摹脫盡變極
神旁通篆籀偶刻石為印記士林寶之

萬年少。自詩文畫之外。琴棋劍器百工技藝。細而女紅刺繡。猶而革工縫紉。無不通。晚唐叔升嘆謂我輩十指雖具。乃如懸槌。若是何種慧性。一能至此。

萬名壽祺。江南淮安人。已卯孝廉。

唐名堂。江西金谿人。

顧樵水詩篇秀絕。畫亦屬能品。嘗作秋林圖。贈吳梅村。吳嘆曰。對此尺幅。使人幽思頓生。

顧名樵。江南吳江人。

吳名偉。字晚公。江南太倉人。舉辛未會試第一。歷官司成。

洞庭葉林屋。少嘗學翁家錦。每投石超距。以驗其法。曾有賊艦泊太湖。欲上山拜掃。葉倡率鄉勇卻之。一時稱其絕伎。

王筠侶工繪事。不屑屑師古。所畫山水樓觀人物草木蟲魚。蕭遠閒曠。開出古人之上。人爭貴之。性任誕不羈。非其所悅。雖權貴人迫之。不輕作。

王名崇。師直隸宛平人。大宗伯澂哉母弟。生五歲而孤。多病。苦懶惰。不喜為章句。學擊劍走馬。舉武科。為興州衛千總。久之。不樂。棄去。放浪家居。益肆力為畫。宗伯素友愛。筠侶未嘗倚門地。請謁。足不至公卿門。或乏食。不肯向其兄。及從子輩。索一錢。甘心資納。以繪事自食其力。士大夫雅慕其人。求畫者滿戶外。必先償直。

後放無命筆。梁大同。見之。稱爲絕藝。厚酬以綉帛。辭不受。曰：崇節貧安用帛爲？更易金。如其常直。強之乃受。其廉於取。又如此。朝廷聞其名。召見中。和。爲侶。俸半儀。積長數尺。上命起立。視良久。令供奉。畫苑時年六十餘。以足疾引。從子司空。爲第室。級老。遂不出。未幾病卒。畫益貴。生平不做酒。喜婦人。得金。即持往。枝那立。盡初。私一婦。其夫覺。誣之。創其婦。自經。一夕坐室中。見神。忽至。似有所語。筠侶大驚。情家人於簾間。見婦裙影。隨之入。遂不見。亦異事也。似。

蔡子佩。具絕人之姿。不恃攻苦。輒能爲文章。詞賦歌詠論議。卽下及書數。繪畫博塞。

遊娛之細。無不意志所至。手目畢達。

蔡名塔。浙江蕭山人。

毛稚黃。小姬。瘵勢漸欲肉骨。沈去矜。以一刀圭愈之。毛大驚。嘆曰：曾聞敵二豎。過於五下。東陽顧影。腰帶幾何。竟具神力。乃爾。

沈文人工繪事。兼善音律。聞爲小詞。直窺稼軒之奧。其濃情逸韻。周勒山謂蕙草雪消。不足方也。

沈名永令。江南吳江人。官龍門令。

胡循。蜚下第。南還。至汶陽之西。遙望黃埃起處。一矢驟至。少頃。賊披介冑奔。耀日中。同行者盡蒲伏。胡躍起。馬從衆中出。拓弓大呼。連擊數賊。賊披靡走。胡徐過。市下馬。解衣踞胡牀。乘風綠槐樹下。久之。同行者始至。驚曰：神人也。

錢塘藍田叔工寫生。陳章侯請藍法傳染。已而輕藍。藍亦自以不逮陳。終其身不寫生。曰：此天授也。

陳名洪，字善道，自稱老蓮，浙江會稽人。數歲見李公麟畫孔子弟子，幼本能指其模處，十四五歲，懸其畫市中，立致金錢。後遊於酒人，所致金錢隨手盡。尤喜為畫，平好婦人，非婦人在坐，不飲。夕寢，非婦人不得寐。有攜婦人乞畫，輒應之。崇禎末，命供奉，不拜。尋以兵罷，所寫博古牌為新安黃子立摩刻。陳死，僕子立畫見陳至，因命妻子解衣飲，曰：陳公畫地獄雙相成，守我摩刻，遂死。

張開鶴性簡曠嗜飲，多少進輒醉。醉輒喜畫蘭，勃勃有生氣。陸子黃嘗得所畫懸之素壁，忽發香滿室中。陸異之，因額其處曰：蘭堂。

張名道，字懸，浙江湖州人。若南四隱，張其一也。

祝培之年已七十，能於徑寸牙牌上書桃源記，細髮為行，微塵遮字，更留其下為作圖。周櫟園見之，嘆曰：使劉子驥遇此，定應異其局，促攢眉而去。豈復生閭津想。

周又嘗稱濟南胡春，以鷺管作簫笛，有穿雲裂石聲。

寵禮

世祖御極之初，命公卿大臣子弟入衛時商邸。宋文康公長子牧仲，年甫十四，儀觀俊偉，冠侍從，冠蟒衣，衫褶帶刀侍。上左右。上愛重之，每賜食中和殿。一日，牧仲

對食避避私出帶間斜幅裏餚餌衆衆將懷之。上怪問收仲前跪謝曰臣有祖母老甚愛臣臣懷以獻榮。上之賜也。上喜自是每賜食必盡敕以歸。

琉球中山王請封。上慎於擇使下部議須通經術善詔命者廷臣會推翰林汪禔

以充正使汪才質端偉專對具宜入見。上大悅賜一品服璽書金冊臨軒遣之汪

自國門駕八駟天仗前導龍旂飛揚都亭張設不絕於路朝士賦詩送者數百人。

康熙二十年琉球國世子尚貞遣陪臣來請
襲封。上嘉其恭謹守禮許之故有是命。

金沙史遠公精畫事鎮國公廷之閣中屬以練素時方初暑史濡毫脫冠於案公來

縱觀戒令勿起史遂忘冠坐為應對蔣馭虎從旁笑曰山野之士疎放自然若史某

者真所謂脫帽露頂王公前矣公笑應曰君不見揮毫落紙如雲烟耶。

公精白此操善小。願以漢東平自期。開居雅
好詩文。兼事翰墨。禮賢下士。兼度淵宏。無有涯際。

史名鑿宗。江南金壇人。頤而長。美髯。高顯。眉睛光。射人心。靈敏。多藝能。能詩
善弈。工字學。兼精丹青。凡智巧事。人不能解者。一見輒悟。悉無疑。辛卯舉孝廉。陳

說有大志。游沈學舍。為生
徒。師譽鬱不得志而死。

蘇名鑑。一字玉潤。江南武進人。鎮國公開府奉天。禮聘天下名
士。取鹿首應其選。毛稚黃云。取鹿無干而好遊。忘名而喜友。

任誕

金穀似詩歌頗有唐調汪鈍翁北遊時金來話別值賓客盈坐金都不叙語竟出其
所作送別長歌朗吟一徧捧腹謂汪曰此詩何如高達夫舉坐默然汪領之而已

金名式祖江
南吳縣人

劉公猷性曠達嘗置酒慈仁寺松下遇遊人至不論識與不識必牽挽使飲有不能
勝者必強灌之至醉嘔乃已

劉名體仁江南涇川街
人乙未進士官吏部

姜學在嘗襍被挾一童子附估人舟往登洞庭東山山中多富人絕不與通舛相羊
僧寺中見一丐者題壁絕句異而物色得之延置上座與之共飲食丐者不知何許
人顧握姜手曰若真知我者姜遂大喜

姜名實節山東萊陽人為黃門貞毅先生仲子少不事舉子業獨習為五七言詩
善鑿別書畫及周泰以來器物遇其所自得雖印價以售不吝也綸寓吳門所居
位置潔清日邀致諸名士賦詩飲酒盡出其所蓄書畫器物學字賞玩移日抵掌
不倦或無貴公子臨侶態雖吳中好事者亦相顧以為不如也丐者與姜論詩
猶久或謂亂以他物或謂易之丐者起此僧頗竟法不願他日姜又訪求丐者於
遠人或謂姜交非其類姜益大喜錄其數詩歸携以純注戶部純翁注其詩多佳
惚物外論因謂微獨丐者
異人即公子亦異人也

梁公狄初與豫章王于一交兩人相論詩每篇成不即示草率相攜至荒臺古寺車

馬不經處始出詩共誇狂呼驚拜或至慟哭而後退

梁名以博一稱鵬林直隸宛平人庚辰進士官太僕令每在酒坐
主客獻酬獨裁席出袖中白扳扇字高聲三鼓不覺四坐有人

陸麗京與徐孝先分離甥舅契若金蘭嘗劇醉共被臥徐哈噎中大吐早起不覺但見牀下地污乃曰舅昨若子耶陸亦不能辨

徐名介浙
江仁和人

陸麗京云苟奉倩取婦遺才存色此是至言非聞興到假令左思張載可與同筆研甯可共枕席耶

柏斯民性僻山水嘗寓西湖一日冒雨執蹇獨上北高峯頂引領四望衫履淋漓見者咸笑為癡柏意愈自得

柏名古一字雪松江南華亭人蓬蒿滿徑
孤燈空工古文詩詞書法曠然有千古之志

沈漢儀家貧好客每遇良友輒慷慨沈飲或勸以稍事生業對曰良朋樽酒吾故藉以生者

丁野鶴在椒邱每晏起不冠搦管倚樹高哦俾佳句呼酒禿髮酣叫傍若無人閒以示椒邱諸生多不解因抵地直上牀蒙被而睡

王丹麓不好棋。每見客手談。輒亂其局。或竟擄子納奩中。曰：日朗天清，奈何為此鬼陣！
王介人善故金吾張道濬。一日張會貴客，並邀玉酒行舉樂。客皆正襟坐。王直入解
髮，跣兩足，踞上席。客大驚，目眙王。王言笑自若。

諸虎男常云：酒可千日不飲，不可一日不醉。

沈子均從朱近修游。妙拳菴。遙望棲鳳爨。棲鳳故沈所居。人為沈平。沈曰：可賀也。詰
其故曰：家所有惟身耳。我已攜家妙拳來矣。庸何早竟不歸。

沈浙江奉化人。少時饒生。產任使。贈人。遂中落。又喜飲酒。醉或眠井中。不肯起。善談
。沈視竟日不倦。亦工唱曲。偶從尊流。歸唱於途。有人踰武至其家。怪問曰：客何
來。應曰：欲走奉化。聽公曲。迷失路耳。沈
以為知音。止宿設醴。成賓主禮而去。

今世說卷七終

今世說卷八

清 仁和王暉丹麓撰

簡傲

汪鈍翁性狷急。不能容物。意所不可。雖百賁育不能掩其口。其所稱於當世人物之衆。不能數人。

汪鈍翁頗自惠。懶放。兼以此規王西樵。王莞爾曰。長安車馬喧闐。若無吾黨一二孤寂者。點綴其閒。便成缺陷。

周櫟園好客。然不耐俗士。有過從者。周便率意與談。盡輒望其去。坐少久。輒露不快色。去又輒忘其姓字。

謝石臞判常州。日持一卷書。坐廳事。有吏抱牘至。輒揮之。鄉先達請燕見者。亦往往謝去。顧喜與諸生論古今。以文章爭勝負。人目之為傲吏。輒欣然有喜色。

謝名良琦。字仲韓。一稱獻。卷廣西全州人。壬午卒。康。

陳散木性狷介。不為苟容。素健辨論。遇客或不合。抗首立柱之。不少遷隨。或憾焉。散木聞而曰。我之所嫉。怒我固然。即爾見喜。正復何益。

陳名世祥字善百直隸通州人。才勇氣壯落落寡合與同好堅剛金石意所不屬。望望然去之。性嗜飲善治觴此生平博覽強記每與座客會棘藟肆麈不竭弱冠舉於鄉久乃得官新安令終以不肯折腰解縣歸。益獨行其意托興於詩詞雅好遊名山水水之所在淹留至忘歲凡家人生產不問也。

王山長嘗讓杜子皇做慢不求友杜云某豈敢如此只是一味好閒無用但得一覺好睡總有司馬遠韓昌黎在隔舍亦不及相訪也

王名岱湖廣湘潭人能詩文兼工書畫我崎磊落以氣節自命髮甫燥名滿海內己卯孝廉官學博

燕人梁公狄脣立欽命遠客萬里初至郵客於梵舍兀然坐一藜榻有客造戶謁入不延里中薦紳聞梁至置酒相迎梁疆一過見席中客有非類即命人取水洗兩目良久立上車去

徐大文將遊豫章其友吳慶百林玉遠送之時徐年少慷慨涉江遙指笑曰吾過洪都惜子安已歿無可與言詩者客或乞吾書正恐麻姑碑板羞見吾耳

徐名林馮一字實名浙江海甯人少時即名播江左做好遊所至公卿大夫及賢豪長者爭願交歡

朱成夫授書江園與其徒同邑沈功宗山陰傅宗夜秉燭藉廣檀箕坐縱談古今興喪得失及漢魏以來理學藝文人物徹三晝夜及遇軒冕與不當意端視臧嘿雖終日不出一語問之聞亦不對故相值者多卜來語嘿以示臧否至為語云言勿言視

來善蓋重之焉

來名善浙江蕭山人負夙韻十歲出試輒冠軍兼精六書能作古文魚籀大小篆
爰隸八分第不輕為人寫好立名節每道東漢人物人有以東漢人物相擬則喜
未本甲族善獨居貧空敝衣獲製所儲圖史外惟罍盞十餘寶米鹽貯器于其中
每出行書衣筆囊手自持抱至有挂兩肘累累蔽以博神儼五石鏡者當大雪忽
憶毛詩遠遊履筮登香爐峯四顧
蒼茫吟所製八君咏詩恸哭乃歸

商邱徐恭士榜其門曰問君何所長客至必指此問之有一藝者即與盤桓竟日或
都無可採輒踞坐揮手曰客休矣

徐名作肅河
南商邱人

董文友少時氣勇神踔視天下人無可交者每朋聚翕熱手揮而已如不相識及合
坐捉筆為文獨寫數千言不休文成坐客不解一語輒瞠目相視人咸目攝之

沈君善性不喜俗嘗持不語戒手懸一牌上鐫不語戒三字有貴人訪之曲致殷勤
君善瞠目直視出牌示之不交一語貴人去適周安期顧茂倫及其弟留侯來相與
傾倒雄辯四出或譏其太過君善指其口曰天生我口不解與僮語見快人不與語
又安用我口耶

沈名自燦江南吳江人副使琬之子與弟自微自炳自
朝自然自南自東妹宛君俱有才名詩文盛行於世

周名永年。吳江人。少負才名。制義詩文。倚侍立就。才器通敏。風流宏長。禪宮講席。西園北里。參承錯互。詩酒淋漓。莫不分身肆應。獻酬曲中。海內咸以通人目之。留侯性簡亢。嘗錫大吏。沈名。以所作詩文示之。沈覽畢。盛稱其居官大吏曰。以詩文示子。子稱某居官何也。沈曰。知公勤於政事。那有閒心檢點及此。大吏甚之街

排調

客問汪鈍翁何意沈酣故籍中。汪徐應曰。身之好書。政如君侯之好博奕。

彭羨門在廣陵。見沈去矜董文友詞。笑謂鄒程邛曰。泥犁中皆若人。故無俗物。

劉公勇棄官入蘇門。依孫鍾元。嘗築堂。孫所居側久之。厭其蕭寂。棄所攜一琴於堂而去。因名留琴堂。王儀曹作留琴堂詩。其起句云。身是巢由未得閒。聞者便為絕倒。

葉元禮素病癩。然頗不耐杜門。客有憂之者。或笑曰。猿狙之性。動而彌壽。

有人語杜于皇。某一介不與。卻未一介不取。可謂一邊伊尹。杜應之曰。某無周公之才。便驕且吝。豈非半截周公。

宋禹域短而多髯。嘗同沈漢儀燕集。沈曰。吾為監史。當以兩官界一人。因指宋曰。汝以參軍兼主簿。眾客皆笑。

宋名詞京。一編定山。浙江
仁和人。丁未進士。官邑令。

計甫草故貧士嘗置一妾晨夕設食惟粗糲而已妻張夫人謔曰古聞糟糠之婦不聞糟糠之妾如何

舊有相國堂聯放開肚皮吃飯立定脚跟做人或議首句不佳徐野君曰彼小人常戚戚者震雷常在已著閒那能放開肚皮吃飯

陸麗京飲陳際叔家半坐欲起謂主人曰陳家惟卜晝耳際叔弟魯季對曰君不聞孟公投轄耶陸更入座

毛大可會侯同詣李湘北李笑曰不謂今日初見二毛

徐世臣與陸麗京同舟下臨平談笑百端竟日相持時潘新彈及陸弟左城俱從壁上觀但覺入其元中不能定其勝負

潘名沐浙江仁和人
癸丑進士官翰札

王丹麓年逾四十益復困頓婦戲語曰同學少年皆不賤奈何夫子獨長貧王曰吳廬少詹有言貧者上天所設以待學者之清俸金陵吳介茲亦言天以貧德人今處俸類之中天幸德我特頒清俸義難獨享願以共卿婦哂曰君意良厚但不知何日俸滿耳

婦姓鄉文學公遊女十六歸王布裙操作客主供饌惟謹一日王欲留客適無錢
大為踟躕入謀諸婦故難之曰身所有祇此髮耳惟君所裁王曰卿未嘗倩筆
畫眉爾乃假手假髮
耶婦笑拔簪付之

輕詆

周櫟園見士人日事奔競輒曰是以日遊神兼騎望火馬者

宋嘉祐中未有謁禁士人多馳騫請托有
一人號為望火馬又一人號為日遊神

蔣絢臣與周櫟園論詩云時選雖惡然亦有足採者臭泥中生蓮花但採蓮花勿取
臭泥可也周云但恐盡是臭泥無蓮花在

符名玢一字用
或編建閩縣人

王阮亭自淮上還青簾畫舫乘風南下與汪鈍翁相值秦郵湖邊語曰有事欲附致
家博士及遣信至乃寄舫中所有第二泉四罌而已汪以道遠稍難之王攢眉曰汪
大乃成俗吏

程周量嘗撫慈仁寺松嘆曰長安諸賢率皆未登廣嶺故使諸松浪得盛名

任名可則一構石峯廣東南海
人舉壬辰會試第一官桂林守

夫覺禪師云吾心眼頗平等然因指見箕尾甚喜觀水中行藻亦喜縱目空碧亦喜

獨對清狂不慧人。刀刀魚魯殊不神。

軒名通嶧字玉林江南江陰人。世祖拜為宏覺國師。

陳士業嘗論當世名流卓然足自表見者屈指不過二十輩其餘率多嬰英股浩聞其姓字或亦赫然與之狎處往往使人自咎其傾注之過。

陳名宏緒江西新建人清裏公道序子賦性警敏少而好學其書萬卷日與四方知名士講習其中家以是落岸然不觸。

吳人有為正錢錄者攻摘虞山不遺餘力計甫草戲語客曰僕自山東來曾遊泰山登日觀峯神志方悚慄忽欲小遺甚急下山且四十里不可忍乃潛溺於峯之側恐得重罪然竟無恙何也山至大且高人溺焉者衆泰山不知也客躍起大罵吳梅邨聞之頗是計言。

周雪客嘗品白岳如五都之市雖珍異錯目一覽輒盡。

周名在浚標國長子。

陸麗京長於引古毛稚黃善於標新毛讀陸文每曰苦成語多。

張祖望弟祖靜祖定俱能詩祖靜微遜孫宇台嘗讀其詩賞之曰人言張氏兄弟如腰鼓夫豈其然。

世靜名麒麟
祖定名振孫

地師沈六如過王丹麓指庭前不宜種樹謂口字著木是困形不佳王曰誠然吾賢亦未宜立此口字著人豈不成囚字乎沈默然

假諱

周釜山少以詩名海內後與宋嘉裳同為郎遂相與往來賦詩每一篇出羣遲謝勿及周有子鷹垂幼年少聞嘗誣客以其詩雜釜山集中讀者竟無以辨既而知之輒驚顧嘆服鷹垂由是知名

鷹垂名翰田第洲嘗言釜山少工徐庾家言鷹垂又復雙聲扶義後先掩映真庾家之有子山徐氏之有孝穆也

雲間諸乾一董蒼水於重陽後作神山之會即彭仙人棲神處也時婁東吳梅邨在坐連道覓女郎倩扶必不得夜分滬上張宏軒刺史來赴投刺後吳命以己車迎入使者傳覆需兩車人頗訝之及至則挾一衣冠少年光艷暗射若薄雲籠月人各卻步且不敢詢姓氏及移燭燭之則倩扶也一座譁然

諸名嗣罪一稱勿處江
南青浦人辛丑進士

侯輔之少遭家難避居嘉興捕者突至逮繫登舟侯默然手執周易熟視之倦則依

榜人卧捕者以為癡且以紉袴少年易制也將抵會城各簡視行李或登陸意益懈
候睨視兩岸桑翳然無際突起竄身坐桑林中捕者眈眈出不意疾追不能得夜燃
炬大搜林中候望見火光所指即疾避之微行近白門遇詰者以周易示之曰我卜
者也遂脫於難

侯名性河南商邱人太常卿執蒲李子大司徒何大司成恪皆同父兄也兩兄蚤
貴兄子方鎮方夏方岳方巖方域皆以才名交滿天下家門赫奕莫與比輔之和
雅脩飭檢身若寒素不為貴介馳騫之態閩戶讀書孝友恭遜兩兄亦愛憐之順
治間貢入京師文日有名人勸之仕不應深居簡出揮書自娛然不苟言笑得
失哀樂不形於色平生寡嗜好獨好飲酒每飲必醉醉亦不亂性不喜廣交獨於
兄子方岳相愛暨同里賈開宗徐作肅徐鄰唐宗舉等數人為文酒之友意泊如
也

汰侈

翁逢春遊臨安輦囊中金二千於寓廡下一日被酒歸蹴金傷其趾遽怒呼曰吾明
日用汝不盡不復稱俠遂徧召故人遊士及妖童豔唱之屬期詰旦集湖上是日儀
舫西泠橋合數十百人置酒高會所贈遺纏頭無算抵暮問守奴餘金幾何則已告
盡矣

翁世居洞庭之
東山官舍人

念獨

劉伯宗下第孫阿匪嘆曰九華奇秀不入江上名山誌巢湖亦江淮巨浸不入禹貢水經山川有知甯不感憤

孫名浙如江南六合人

黃九烟落落高蹤時人惡其冷鄧孝威曰今已無伯通之廡下安所得杜陵之草堂耶只須移家渡江向九龍峯依阿壇最為長策

黃名周星江南江甯人庚辰進士官戶部以文章名節自任兼擅篆隸工圖章性耽靜難合雖處困窮不比其推君子高之

鄧名漢儀江南泰州人

馮幼將與張樂園書云淪落既久耳目都憐塵沙撲面只似春風毒霧侵人亦如沈

馮名肇松江會稽人

王仲昭性簡脫與俗忤年過壯盛鬱抑不得行其志日偕友人散髮袒裸浮拍糟邱意極興酣嘻笑怒罵不復知人間事

夏樂只慷慨任俠好與貧士遊客至輒命酒不給則解敝衣賞之有障扇過門者便

欲塞戶。偶有所感。乃首戴瓦。盡哭於西陵橋上。曰：新乎新乎。

夏名基。江南徽州人。僑寓湖濱。能詩。工書畫。曠然有萬世之志。

尤悔

王西樵里居時。屢空見。迨卒歲。數歡嘗雪。後出為人家送葬。從驢子背上。作西樵山人傳一篇。稱心而言。自謂實錄。一出。心跡乖反。遂使此文不復可傳。每為嘆絕。

袁重其將出遊。母為脫輕容衣。浣澣更繼以衣子。袁衷之。褻以囊衣。久之。脫時就客飲。有鋪工為之按摩。悞為所裂。初不覺。歸寢。解外服。露母前所改衣。襪襪不可卸。大驚。捧衣長號。悔痛終身不能釋。

惠溺

張幼量行長白山中。見有巨黃石甚佳。以牛三百頭拽至園亭。每語人曰：此石絕似大癡畫中物。又嘗愛一竹根石。大不盈寸。根節宛然。撫翫不去手。

張名萬。解山。東鄉平人。

新城二王好為香奩體。或以綺語為言。西樵云：不過使我於宣尼廡下。俎豆無分耳。

陳其年嘗作詞。懷二王。有云：名士興朝能妄語。阮亭讀至此。笑曰：家兄與下官。不敢多讓。

朱錫鬯詩才雋逸文尤跌宕可觀然性好飲酒嘗與高念祖入都每日暮泊舟輒失
朱所在及高往求之朱已闌入酒肆中醉臥壚下矣

朱名彝尊浙江秀水人爲
舉博學宏詞考授翰林

高名佑記浙
江秀水人

周櫟園官閩每求江瑤柱輒令蜃人取諸梅花厂石間其甲上紋如瓦楞映日視之
與綠玉相類彩色燦漫晃人眸子周語人曰即此庸理便足鞭撻海族惜其生育遐
隲不登玉食耳

楊香山客揚州有鬻鶴者傾橐爲易二雙載歸嘲笑並至楊曰予門可羅雀對之如
得良友老乏丁男撫之如倚玉樹寂處無絲竹之娛屢空有交謫之感戛然一鳴悅
心盈耳憂鬱可捐因賦詩十章爲友誦之

楊名體元直隸地
興人官郡司馬

邵僧彌性舒緩有潔癖整拂巾履經營凡硯皆人世所不急乃爲之煩數蠟悉僮僕
患苦妻子竊罵終其身不爲改

邵名彌江南長洲人清風頓秀好學多才藝於詩宗陶韋於畫仿宋元於草書出
入大小米楷法遍處積稿絕工半生揮灑小幀尺幅人皆藏弄以爲重或購之累

數十金乃用以搜金石訪碑集及圖章玩好諸物此外蕭然無物題所居曰明堂
置一榻其中以藥壺茗具自娛賓客到門擊鼓雅步移時始出與人飲不半升類
然就睡雖坐有重客弗觸中年得小消疾覺方書多某忌和
標燥淫飲啖多寡不能適其中以此蓋困始其迂僻如此

王于一晚歲客湖上狎一妓頗麤陋或嘲之王笑曰近代美人尚肥

徐野君性灑落不與人事獨好觀俳優戲以為騷人逸士典會所至非此類不足稱
知己

吳介茲食文官菓每一含咀不忍直下嘗語王隆吉曰香甘雪嫩令人輒有奴視楊
梅雞豆之想

王名廷槐江南儀
真人壬子李庸

李啟美嗜古學抱疴十月猶聚書牀頭讀之將革嘆曰吾死矣獨念茫茫泉路能讀
書否悠悠來生解讀書否不勝於邑

李名潛一名瀚字
士美江南興化人

辛先民客居吟嘆聞有人招飲直欲捐性命徇之或諫其不節辛笑曰奈五臟神願

馳驅何

辛名民一名霜州字嚴公直
隸宛平人壬午孝廉官司理

徐伯調好鍊沖舉。養氣吸液。嘗自厭毛髮不潔。作遊仙詩以自喻。

洪潤孫以博雅擅名。乃有潔癖。每齷面。輒自且達午不休。陸麗京僕胡共往看之。洪爾時神氣做邁。旁若無人。

洪名景融。浙江錢塘人。

查醉白繼婦陸。陸故名。家子。性敏。又善詩。嫵婉。酬唱相得益歡。陸亡。查哀痛。咯血。升許已復為悼亡詩百首。多酬陸韻。悵悵若有失。踰年竟死。

查名繼昌。浙江海甯人。七歲善吟詩。十三游庠序。美風儀。郡邑試士。咸里社高會。諸少年咸集。查主詞說。慷慨願吟。悼如。一坐驚嘆。無不願交。查者工臨池。能辨古弄器。及唐宋諸家翰墨。圖繪。又學射學。弄雖不工。亦自負。

王丹麓喜方術。一日檢書。得同夢方。時念張廣平處京師。特千里致書。相期試夢。聞者笑之。

張名元時。浙江杭州人。少時與弟解奇同執經。應嗣實之門。應使深賞。嘗作詩與廣平云。子既張目無不識。弟亦下筆如有神。兒如亞子真可畏。元方季方安擬倫。從果以詩文。聲冠一時。

王丹麓家既落。顧時喜刻書。客至。質衣命酒。其詩曰。平生好賓客。資用苦不周。有懷莫可告。室人且見尤。施愚山誦之。輒失笑曰。蓋有類予者。全詩共載。松溪漫興。今世說卷八終。

右今世說八卷 國朝王暉撰案暉字丹麓仁和人是書仿劉義慶世說新語之體以紀 國朝諸老遺聞軼事並自為之注豈欲兼劉孝標為一手耶 四庫提要著錄附存目中譏其載入己事尤乖體例固深中其失丹麓又嘗撰遂生集並雜著十種曰龍經曰孤子吟曰松溪子曰連珠曰寫言曰看花述異記曰行役日記曰快說續記曰禽言曰北墅竹枝詞又嘗輯檀几叢書以所撰草堂十六宜課婢約報謁例言詔卦四種廁於其間又張山來所刻 昭代叢書亦收其所撰快說續記酒社易言兵仗記龍經石友贊各種提要均著錄附存目中又嘗撰文津而提要云未見且譏是書所稱曹顧庵目遂生集為鶯苑枉梁文津為藝林餽脯若遂生集實了不異人云云蓋丹麓實游揚聲氣以博取盛名而文筆乃纖仄婉媚殊乏雅裁是書惟兼采眾長雖閒仍故步猶近方家舉止且我 朝開國之初人才尤推極盛流風餘韻高不可攀狂匪張融望古遷集顧勒為一書者殊尠恐漸致湮沒此雖編瑤截貝斷素零縑所謂當鼎一臠亦知其味特重刊之俾知人論世者略有致焉

咸豐壬子春分後十日南海伍崇曜跋